

Broj: 01-02-3-777/15  
Sarajevo, 04.06.2015. godine

**Z A P I S N I K**  
**6. VANREDNE SJEDNICE PREDSTAVNIČKOG DOMA PARLAMENTA**  
**FEDERACIJE BIH, održane 29.05.2015. godine**

Sjednica je počela u 11 sati.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, predstavnike Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Rusmir Mesihović, Hajrudin Havić, Enver Bijedić, Mirza Ganić, Azra Hadžiahmetović, Amir Zukić, Amra Haračić i Hasan Muratović.

Vlada Federacije BiH dostavila je 25.05.2015. godine dopis, kojim traži da se do kraja maja tekuće godine zakaže vanredna sjednica na kojoj će se razmatrati Prijedlog Srednjoročne strategije razvoja poljoprivrednog sektora u Federaciji BiH za period 2015.-2019. godina. Dopis je dostavljen zastupnicima.

U diskusiji o dnevnom redu učestvovali su Mahir Nurkanović, Nasir Beganović i Damir Mašić.

Usljedio je izjašnjavanje o dnevnom redu 6. vanredne sjednice.

Na osnovu pojedinačnog izjašnjavanja, sa 56 glasova za, uz 16 glasova protiv i uz 13 uzdržanih glasova, usvojen je sljedeći:

**D N E V N I R E D**

1. Prijedlog Srednjoročne strategije razvoja poljoprivrednog sektora u Federaciji BiH za period 2015.-2019. godina.

**1. Prijedlog Srednjoročne strategije razvoja poljoprivrednog sektora u Federaciji BiH za period 2015.-2019. godina**

Vlada Federacije BiH dostavila je Prijedlog Srednjoročne strategije razvoja poljoprivrednog sektora u Federaciji BiH za period 2015.-2019. godina.

Prijedlog su razmatrala nadležna radna tijela i dostavila izvještaje.

U ime Vlade Federacije BiH dodatno obrazloženje dao je ministar Šemsudin Dedić.

Prezentaciju je vršio Pejo Janjić, predstavnik Federalnog ministarstva i član centralnog tima koji je radio na izradi Strategije.

U ime Odbora za poljoprivredu, vodoprivredu i šumarstvo diskutovao je Bajro Makić.

Otvorena je diskusija u kojoj su učestvovali Elvir Karajbić, Ismet Osmanović i Dženan Đonlagić.

Data je pauza do 14 sati.

Nakon pauze, nastavljena je diskusija u kojoj su učestvovali: Jozo Bagarić, Boro Krišto, Šemsudin Kavazović, Enver Merdić, Ramiz Meša, Mahir Nurkanović, Slavica Josipović, Rasim Omerović, Ilhan Bušatlić, Ivan Musa, Bajro Makić, Mehrudin Švago, Dennis Gratz, Muhamed Ibrahimović, Jasmina Zubić, Blaž Župarić, Safet Kešo, Damir Mašić, Dževad Agić, Boris Barun, Asim Kamber i Zana Marjanović.

Predsjedavajući Mušić pozvao je zastupnike da se izjasne o Prijedlogu Srednjoročne strategije razvoja poljoprivrednog sektora u Federaciji BiH za period 2015.-2019. godina.

Sa 51 glasom za, uz tri glasa protiv i uz 15 uzdržanih glasova, usvojen je Prijedlog Srednjoročne strategije razvoja poljoprivrednog sektora u Federaciji BiH za period 2015.-2019. godina.

Predsjedavajući je kazao da su u toku rasprave dostavljeni zaključci o kojima bi se zastupnici trebali izjašnjavati.

Klub zastupnika SDA, HDZBiH i DF predložili su prvi zaključak. Jasmina Zubić predložila je dopunu zaključaka (dodati: "Savezu općina i gradova") koja je prihvaćena.

Sa 65 glasova za, bez glasova protiv i uz četiri uzdržana glasa, usvojen je sljedeći:

## Z A K L J U Č A K

Obavezuje se Vlada Federacije BiH da Srednjoročnu strategiju razvoja poljoprivrednog sektora u Federaciji BiH za period 2015.-2019. godina dostavi svim naučnim i istraživačkim institucijama u oblasti poljoprivrede, kantonalnim ministarstvima poljoprivrede, poljoprivrednim udruženjima, Savezu općina i gradova Federacije BiH i nevladinim organizacijama kako bi do 01.10.2015. godine mogli dostaviti primjedbe, sugestije, mišljenja i prijedloge Federalnom ministarstvu poljoprivrede, vodoprivrede i šumarstva.

Na osnovu navedenog Vlada Federacije BiH se obavezuje da do 31.12.2015. godine u parlamentarnu proceduru podnese Prijedlog izmjena i dopuna Srednjoročne strategije razvoja poljoprivrednog sektora u Federaciji BiH za period 2015.-2019. godina.

Klubovi zastupnika SDA, HDZBiH i DF predložili su još jedan zaključak.

Sa 67 glasova za, bez glasova protiv i uz tri uzdržana glasa, usvojen je sljedeći:

## Z A K L J U Č A K

Zadužuje se Ured za reviziju institucija u Federaciji BiH da u skladu sa članom 18. Zakona o reviziji institucija u Federaciji BiH izvrši specijalnu reviziju u Federalnom ministarstvu poljoprivrede, vodoprivrede i šumarstva zaključno sa 31.03.2015. godine.

Klub zastupnika DF predložio je zaključak o kojem su se zastupnici izjašnjavali.

Sa 63 glasa za, uz dva glasa protiv i uz pet uzdržanih glasova, usvojen je sljedeći:

## ZAKLJUČAK

Zadužuje se resorno ministarstvo da:

- osigura uspostavu jedinstvenog poljoprivrednog informacionog servisa radi transparentnosti i nadzora razvoja poljoprivrednog sektora najkasnije do 31.12.2015. godine,
- inicira usklađivanje kantonalnih strategija sa predviđenom Srednjoročnom strategijom,
- kvartalno izvještava Odbor za poljoprivredu, vodoprivredu i šumarstvo o monitoringu na način pripreme unificiranog obrasca na osnovu kojeg će se pratiti realizacija.

Nakon usvajanja zaključaka predsjedavajući je zaključio rad 6. vanredne sjednice Predstavničkog doma Parlamenta Federacije BiH u 16.55.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Daniela Čegar

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić